

დამტკიცებულია შპს „კერძო სკოლა აისი“-ს

დირექტორის ბრძანებით № 162

მოსწავლეთა თვითმმართველობის დებულება

მუხლი 1. ზოგადი დებულებები

- 1.1. მოსწავლეთა თვითმმართველობის დებულება განსაზღვრავს მოსწავლეთა სტატუსს, სტრუქტურას, უფლებამოსილებას, მოქმედების არეალს და მუშაობის წესს;
- 1.2. დებულებას იღებს მოსწავლეთა თვითმმართველობის წევრთა უმრავლესობით;
- 1.3. მოსწავლეთა თვითმმართველობა საბაზო და საშუალო საფეხურების მოსწავლეების მიერ არჩეული ორგანოა და წარმოადგენს სკოლის სტრუქტურულ ერთეულს;
- 1.4. მოსწავლეთა თვითმმართველობის საქმიანობის საფუძვლებია: საქართველოს კანონი „ზოგადი განათლების შესახებ“, სკოლის შინაგანაწესი, მოსწავლეთა ეთიკის კოდექსი.
- 1.5. მოსწავლეთა თვითმმართველობა არ წარმოადგენს იურიდიულ პირს.
- 1.6. დებულება ძალაში შედის მისი სკოლის დირექციასთან წარდგენისა და დამტკიცების შემდეგ.

მუხლი 2. მოსწავლეთა თვითმმართველობის მიზნები:

- 2.1. მოსწავლეთა უფლებებისა და კანონიერი ინტერესების დაცვა და წარმოდგენა, როგორც სკოლაში, ისე მის ფარგლებს გარეთ;
- 2.2. მოსწავლეთა ინტერესების რეალიზება;
- 2.3. სკოლის ერთიანი მოსწავლეთა საზოგადოების ჩამოყალიბება;
- 2.4. მოსწავლეთა თავისუფალი ნების გამოხატვა;
- 2.5. მართვის დემოკრატიული პრინციპების შეთვისება;
- 2.6. მოსწავლეებში სამართლებრივი თვითშეგნების დონისა და კანონისადმი პატივისცემის ამაღლება;
- 2.7. მოსწავლეთა თვითორგანიზაცია;
- 2.8. საინტერესო სასკოლო ცხოვრების შექმნა.

მუხლი 3. მოსწავლეთა თვითმმართველობის სტრუქტურა:

3.1. ყველა კლასის მოსწავლე თანასწორობის საფუძველზე, ფარული კენჭისყრით, გამჭვირვალობის დაცვით ირჩევს თვითმმართველობის თავჯდომარეს;

3.2. არჩევნები იმართება ყოველი სასწავლო წლის დასაწყისში.

3.3. არჩევნებს ატარებს სკოლის ადმინისტრაცია;

3.4. ყველა მოსწავლეს უფლება აქვს არჩეული იყოს თავჯდომარედ; მუხლი 4. მოსწავლეთა საინიციატივო ჯგუფის ფუნქციები

4.1. მოსწავლეთა თვითმმართველობა სემესტრების მიხედვით შეიმუშავებს სამოქმედო გეგმას, რომელსაც ათანხმებს სკოლის დირექციასთან;

- 2 -

4.2. გადაწყვეტილების მიღება ხდება სრული შემადგენლობის ხმათა უმრავლესობით;

4.3. გადაწყვეტილება ფიქსირდება სხდომის ოქმში. სხდომა უფლებამოსილია, თუ მას ესწრება წევრთა 3/4

4.4. საკითხის განხილვისას შესაძლებელია მოწვეული იქნას სკოლის დირექციის, წარმომადგენელი.

(მოწვეული სტუმარი არ სარგებლობს ხმის უფლებით);

4.5. განსახილველად საკითხის მომზადება და გამოტანა შეუძლია ნებისმიერ წევრს;

4.6. საკითხის მომზადების პროცესში წევრებს უფლება აქვთ მიმართონ დამრიგებელს, მასწავლებელს ან სკოლის დირექციის წარმომადგენელს;

4.7. თვითმმართველობის საქმიანობაში ჩარევა ან მასზე რაიმე სახის ზემოქმედების მოხდენა სკოლის ადმინისტრაციის ან ნებისმიერი სხვა პირის მხრიდან დაუშვებელია, გარდა კანონით გათვალისწინებული შემთხვევებისა;

4.8. მოსწავლეთა თვითმმართველობა თანამშრომლობს სხვა სასკოლო, სამთავრობო და არასამთავრობო, სახელმწიფო და საერთაშორისო ორგანიზაციებთან, აგრევე გაერთიანებებთან; მუხლი 5. მოსწავლეთა თვითმმართველობის უფლება-მოვალეობები

5.1. მოსწავლეთა თვითმმართველობა არეგულირებს და კოორდინაციას უწევს კლასების ორგანიზებულ მოქმედებას სასკოლო აქტივობებში.

5.2 იცავს და წარმოადგენს სკოლის მოსწავლეთა უფლებებსა და კანონიერ ინტერესებს;

5.4. უზრუნველყოფს მოსწავლეთა უფლებებისა და კანონიერი ინტერესების განხორციელებას;

5.5. გეგმავს, ორგანიზებას უწევს და ახორციელებს მოსწავლეთა დასვენების, სწავლის და სხვა მოთხოვნილებების დასაკმაყოფილებლად შეხვედრებს, დებატებს, დისკუსიებს,

ტრენინგებს, ინტელექტუალურ თამაშებს, საგანმანათლებლო-სამეცნიერო, კულტურულ, სპორტულ, გასართობ და კანონით ნებადართულ სხვა სახის ღონისძიებებს;

5.6. დაიცვას სკოლის სახელი, ავტორიტეტი და ქონება;

5.7. ხელს უწყობს მოსწავლესა და სკოლის მართვის ორგანოებს შორის ჯანსაღი ურთიერთობების ჩამოყალიბებას.

მუხლი 6. ცვლილების შეტანა

6.1. დებულებაში ცვლილების შეტანა ხდება მოსწავლეთა თვითმმართველობის მიერ და მტკიცდება დირექტორის მიერ.